

Իր հերթին պրն. Լազոշը, շնորհակալություն հայտնելով ընդունելության համար Վեհափառ Հայրապետին փոխանցեց պարգամավորական բարեկամության խմբի անդամների ողջույններն ու հարգանքը: Խմբի նախագահն անդրադարձավ նաև հայ ժողովրդի կապվածությանը Հայոց Եկեղեցուն, ինչը լավագույնս նկատելի է ֆրանսահայ համայնքում:

Հանդիպման ընթացքում խոսվեց նաև Հայոց Ցեղասպանության ճանաչման և դատապարտման կարևորության մասին, որպեսզի մարդկային կյանքում այլևս փող չգործեն և կանխարգելվեն նման երևույթները: Անդրադարձ կատարվեց նաև Լեռնային Ղարաբաղի հակամարտության խաղաղ կարգավորման գործընթացին և ԵԱՀԿ Մինսկի խմբում Ֆրանսիայի կարևոր մասնակցությանը:

ՄԱՅՐ ԱԹՈՌ ՍՈՒՐԲ ԷԶՄԻԱԾԻՆ
ՏԵՂԵԿԱՏՎԱԿԱՆ ՂԱՄԱԿԱՐԳ

ԱՄԵՆԱՅՆ ՀԱՅՈՑ ԿԱԹՈՂԻԿՈՍՆ ԸՆԴՈՒՆԵՑ ՌՈՒՄԱՍՏԱՆԻ ԴԱՇՆՈՒԹՅԱՆ ՓՈԽՎԱՐՉԱՊԵՏ ԺՈՒԿՈՎԻՆ

Հուլիսի 17-ին Մայր Աթոռ Սուրբ Էջմիածնում Ն.Ս.Օ.Տ.Տ. Գաբելին Բ Ծայրագույն Պատրիարք և Ամենայն Հայոց Կաթողիկոսն ընդունեց Ռուսաստանի Դաշնության փոխվարչապետ Ալեքսանդր Ժուկովի գլխավորած պարվիրականությանը՝ ողեկցությամբ ՀՀ Առողջապահության նախարար Հարություն Բուշկյանի:

Ողջունելով ՌԴ փոխվարչապետին և կարևորելով նրա այցն ամենայն հայոց հոգևոր կենտրոն Մայր Աթոռ Սուրբ Էջմիածին՝ Նորին Սրբությունը գոհունակություն հայտնեց երկկողմ հարաբերությունների առավել սերպացման և նորանոր ոլորտներում ձևավորվող համագործակցության առիթով, հաջողություն մաղթեց Ա. Ժուկովի առաքելությանը Հայստանում:

Վեհափառ Հայրապետը նաև գնահատանքով անդրադարձավ ՌԴ իշխանություններին՝ ռուսաստանաբնակ հայ համայնքի հանդեպ ցուցաբերվող հոգաբար վերաբերմունքին, ինչպես նաև հայորդիների բերած կարևոր ներդրմանը երկրի՝ փոքրամասնական և մշակութային կյանքում:

Զրույցի ընթացքում անդրադարձ կատարվեց երկու ժողովուրդների բազմադարյա բարեկամությանը, Հայ և Ռուս Եկեղեցիների ջերմ հարաբերություններին և հոգևոր առաքելության իրագործմանն երկու ժողովուրդների կյանքում:

Հանդիպմանը ներկա էր Նոր Նախիջևանի և Ռուսաստանի հայոց թեմի առաջնորդ Տ. Եզրաս Լալիսկոպոս Ներսիսյանը:

ՄԱՅՐ ԱԹՈՌ ՍՈՒՐԲ ԷԶՄԻԱԾԻՆ
ՏԵՂԵԿԱՏՎԱԿԱՆ ՂԱՄԱԿԱՐԳ